

UNIVERSITY OF SARAJEVO
FACULTY OF SCIENCE

Broj: 01/01- 2821/1-2008.
Sarajevo, 25.12.2008.

Zmaja od Bosne 33-35
Sarajevo
Bosnia and Herzegovina
Phone ++387 (0)33 250510
Fax ++387 (0)33 649359

Saopštenje za javnost

„SEE Doctoral Studies in Mathematical Science“

Iz Brisela je na adresu Prirodno-matematičkog fakulteta u Sarajevu stigao od strane Evropske komisije potpisan ugovor o projektu «Doktorski studij matematičkih nauka u Jugoistočnoj Evropi» u vrijednosti od 811.000 eura. To je prvi projekt unutar programa TEMPUS, najpoznatijeg evropskog programa podrške razvoju visokog obrazovanja u centralnoj i istočnoj Evropi, u kom je Univerzitet u Sarajevu direktni ugovarač. Do sada je Univerzitet u Sarajevu uvijek bio samo partner u projektima čiji kontraktor bi bio neki zapadnoevropski univerzitet.

Nosilac projekta je prof. dr. Muharem Avdispahić, ranije glavni akademski koordinator TEMPUS projekata «Razvoj informacionih tehnologija» i «Razvoj aktivnosti Prirodno-matematičkog fakulteta». Partnerske institucije su univerziteti u Grazu, Sofiji, Tuzli, Banjaluci, Beogradu, Skoplju, Podgorici, Skadru, te Bugarska akademija nauka i Društvo matematičara jugoistočne Evrope sa sjedištem u Atini.

Ovim Prirodno-matematički fakultet u Sarajevu potvrđuje ulogu vodeće visokoškolske ustanove u Bosni i Hercegovini u procesima evropskih akademskih integracija. «Razvoj informacionih tehnologija» je bio prvi poslijeratni projekt koji je obuhvatio sve tadašnje univerzitete u BiH i poslužio kao preteča uspostavi bosanskohercegovačke akademske mreže, dok su u okviru drugog projekta TEMPUS JEP «Razvoj aktivnosti Prirodno-matematičkog fakulteta» već 2000. godine na ovom Fakultetu izrađeni planovi i programi u skladu sa godinu dana ranije usvojenom Bolonjskom deklaracijom.

Na evropskom planu, godina 2010. je zamišljena kao godina u kojoj Bolonjski proces rezultira uspostavom Evropskog prostora visokog obrazovanja i istraživanja. Uspješnom realizacijom trogodišnjeg projekta «Doktorski studij matematičkih nauka u Jugoistočnoj Evropi», Prirodno-matematički fakultet i Univerzitet u Sarajevu se pravovremeno i na relevantan način uključuju u ove tokove.

DEKAN FAKULTETA

Prof. dr. Muriz Spahić, s.r.